

gia ferenda animabus defunctorum Sodalium celebratur, ab ortu usque ad occasum solis, dierum huiusmodi singulis annis devote visitaverint, ibique pro Christianorum Principum concordia, hæresum extirpatione, peccatorum conversione, ac S. Matris Ecclesiæ exaltatione pias ad Deum preces effuderint, quo die prædictorum id egerint, Plenariam omnium peccatorum suorum Indulgentiam et remissionem misericorditer in Domino concedimus. Insuper iisdem supra-dictæ Societatis seu Circuli Sodalibus nunc et pro tempore existentibus, qui corde saltem contriti quolibet die ter Salvationem Angelicam in honorem Conceptionis Immaculatæ Beatissimæ Deiparæ, bis laudationem—Gloria Patri, etc—in honorem SS. Petri et Pauli App., et semel—Requiem æternam, etc.,—pro Sodalibus defunctis recitaverint, centum dies de iniunctis eis seu alias quomodolibet debitis pœnitentiis in forma Ecclesiæ consueta relaxamus. Quas omnes et singulas indulgentias, peccatorum remissiones, ac pœnitentiarum relaxationes etiam animabus christifidelium, quæ Deo in charitate coniunctæ ab hac luce migraverint, per modum suffragii applicari posse indulgemus. In contrarium facien. non obstav. quibuscumque. Præsentibus perpetuis futuris temporibus valituris. Datum Romæ apud S. Petrum sub annulo Piscatoris die VI Decembris MDCCCLXXVIII. Pontificatus Nostri Anno Primo.

*Pro Dno Card. ASQUINIO.*

D. JACOBINI, Subs.

*Vidimus et recognovimus et publicari permisimus.*

† E. A. ARCHPUS QUEBECEN.